

船

山

詩

草

船山詩草卷七

遂寧 張問陶 仲治

乞假還山集下

辛亥

初秋客成都得亥白兄廣州詩札

北馬南船路渺漫生涯眞作磨牛看  
君書咄咄炎荒遠我夢勞勞蜀道難  
久客懷歸原不定故鄉流寓更無端  
幾時同醉涪江月細數遊蹤語夜殘

成都漫興

補種秋花病裏看小庭風月不須寬  
酒因惡醉停杯

早詩爲求真下筆難。擁坐圖書銷壯歲。倚簷婢僕歎  
閒官。故人新有凌雲約。未入名山夢已寒。

九月一日迴瀾寺塔晚眺遂訪薛濤井

秋水華陽國。江流一綫通。鐘鳴僧飯白。人語市橋紅。  
臺笠迎寒雨。樵烏信好風。誰家容質廬。攜酒住城東。  
風竹緣江冷。殘碑臥晚晴。秋花才女淚。春夢錦官城。  
古井澄千尺。名箋豔一生。烹茶談軼事。宛轉鞦韆聲。  
九月四日將歸遂寧發成都龍泉驛道中日  
占

出郭白雪即登山。紅樹秋馬蹄輕熟。路峯影。夙他州。

去住當無定羸餘苦浪求勞人多聚散歸雁識鄰愁

新店客夜

墊黑人如魅村孤犬自豪農家雞黍儉山館夢魂勞  
壁影荒燈暗鐘聲遠寺高四鄰寒不寐亥亥話錢刀

石佛場

時舊館周君已死

水田明滅繞孤邨幾點秋花帶雨痕舊館重來三易  
主荒原獨語一銷魂山翁乞食兒童瘦石佛低眉殿  
閣昏爲恨年年爲過客坐看脩竹嬾開尊

菊枕

穿針才七夕采菊又重陽撫枕澹無語琴幃時有香

空花散銀海秋夢滿繩牀早晚同歸隱籬東遲未荒

暮秋家居

廳事容旋馬家風好讀書初名慙遠志小職疑閒居  
負米宗人助辭肝縣令疎開門消白日紅葉滿庭除  
奇樹迎窗碧新筍壓酒黃愁空心澹遠秋老夢蒼涼  
洗竹蟲聲散開簾菜甲香庭花如婢僕離立兩三行  
小弟迎新婦團樂慰老親數聲金縷曲一屋綵衣人  
禮儉鄰鄰慕家貧骨肉真重陽村酒熟酬勸莫辭頻  
曲巷繞機聲蕭蕭絡繹鳴客稀奴嬾慢池冷月空明  
鄰酒熟頭過秋衣雨後成近山敗芋栗服食與家清

數枉山人約扁舟。問水東林塘。隨地綠花果，到門紅  
笑語。義皇上軒窗。竹樹中。此間冰雪夢，可擬換三公。  
細領田間趣。秋郊自往還。輕輿明月寺。羸馬梵雲山。  
債藉奇書抵身如退筆。閒回憐廬海闊。容易改朱顏。

### 西山秋望

寺凸鐘聲遠。山川四望通。涼雲何處雨。深竹萬枝風。  
木落秋城小。江平野岸空。遙憐村市散。人影暮匆匆。  
與壽門弟飲土橋張氏山莊

一路踏紅葉。秋山並馬來。壺觴須盡醉。父老最憐才。  
蕉尾容分啖。橙林許借栽。故園無限好。回首嘆塵埃。

初冬赴成都過安居題壁

連山風竹遠層層  
隔水人家喚不應  
一片斜陽波影碎  
小船收網曬魚鷹

樂至縣

余自丙午至今過縣門者日十六次矣

小歷風塵便六年  
紙窗醉墨尙依然  
自憐僕馬勞中歲  
人指蓬萊擬上仙  
撫枕易殘新舊夢  
過門難了去來緣  
兩州骨肉仍離別  
惆悵山城月又圓

亥白兄自粵與余書并寄貝葉八片作五律二首奉酬

來書云廣州光孝寺殿東有貝多羅樹一株

高尋丈樹本奇古其葉深碧寺僧於秋七月  
取之浸水中數日刷去其膜筋理細密如蟬  
翼用表作冊子或寫經或畫阿羅漢像名之  
曰菩提紗寺爲虞翻故宅僧云此樹是元奘  
法師所植或云達摩手植考此樹惟曹溪尙  
有一株當是六祖遺跡耳此八頁已用紙拓  
過者嶺南珠寶犀象無足奇祇此一物頗佳  
寄充清玩弟頗謂不惡否

入手魚目小開緘貝葉香有生蹤跡幻無味別離長  
寶玉空南海天花笑上方咸君持贈遠繡佛挂虛堂



蜀海虞翻宅迢迢萬里餘離情三夜夢禪悅一封書  
道味愁中得名心病後疎故園松菊冷歸計近何如  
成都得外舅林西厓先生西征途次莽阜手  
書卽事奉懷

山冷露殘碣弓旌出塞遙羽書飛絕域齋雨凍連宵  
益竈蠻煙細穿雲笮馬驕西征天萬里何處問星輅  
玉斧何年畫荒雲接戰雲歌鐙曾盪寇  
兩金川之役  
勇在軍中六  
載笳鼓又從軍護佛千峯壯籌邊五夜勤萬人驚下  
筆倚馬看飛文

十月二十八日成都得樵存九日書

奇興不能發思君夢驚狂尺書天上落白日病中長  
分手疑前世敲詩阻太行今年秋萬里同負好重陽  
奉懷外舅西征

魚通遙指夜雲迷天入斜陽盡處低惜別夢尋蠻部  
落談兵愁進玉東西山開邛笮諸番接雪滿弓刀萬  
馬嘶將相平戎須早決窮邊久矣厭征鼙

冬日遊浣花草堂同林松巖朴園兄弟作

懷抱經時結詩情寄草堂竹深千佛共花冷一溪香  
才大窮能練身閒老更狂艱難依僕射淒絕此行藏  
老屋生前破奇詩亂後多無家尋弟妹有淚哭干戈

溝壑誰收骨。乾坤許放歌。錦江空歲月。留滯恨如何。  
萬里橋西路。戎戎落日殘。堂空遺像肅。公死替人難。  
稷契丹心占。風霜白髮寒。詩成悲吏隱。回首夢千官。  
天末唯疎放。何功補聖明。幽棲尋二妙。遠戍惜三城。  
潭水無今昔。勞人易死生。我來千載後。風雪故鄉情。

### 青羊宮

石壇風亂禮寒星。髣髴雲車檻外停。常爲吾家神故  
物。銅羊一角瘦通靈。銅羊爲先文端故物。自京移歸施于青羊宮。今甚靈異。

霧閣雲窗也自殊。道人癡坐說無無。驚心一百年前  
事。堆硯如山殺腐儒。蜀碧巖賦。試土于青羊。官盡殺之。積硯如山。

惠陵

偏安王業苦經營豪傑都從亂推生直與皇天爭敗  
局恨無餘地出奇兵笙簫嗚咽劉郎浦旌旆蒼涼自  
帝城兩漢存亡關一死荒陵愁絕杜鵑聲

歸興

歸臥西南十萬峰俸錢銷盡債重重閉門嬾喫花豬  
肉燒筍烹泉過一冬

成都冬日雜詩

東壁辭鸞掖西郊問草堂閒官仍贅壻故國似他鄉  
弱悔詩書誤貧愁歲月長竟思調惡馬投筆戰沙場

船山詩草

卷七

六

時王師西

征廓爾喀

記住城南寺文章哭暮秋槐黃千佛笑頭白一僧愁  
花雨尋初地人情感舊遊升沈吾漸解門外府江流  
簡對忘貧士頻年感謝公出山資僕馬寄食長兒童  
古意朱陳好離情戰伐雄郡齋寒不寐支枕憶魚通  
歲晚東流急悠悠萬里橋江山風月冷天海弟兄遙  
長夜知裘傲閒愁攸酒澆年華供懶漫高枕太無聊  
益州懷古

孤吟重上浣溪樓劍外風雲萬里愁山作奇峯爭北  
向天容弱水任西流一錢殺吏思張詠五月征蠻弔

武侯無此百年全盛日稻花香遍古梁州

月夜

壓檐霜重紙窗明落落星河滿少城百二十坊今夜  
月忍寒誰看到三更

題王叔畦畫

世外梅花破蕊遲閒情才放兩三枝相思一夜無人  
見雪後寒山月上時

奉酬彭田橋戔眉絕頂寄懷之作

人與名山稱靈光滿太虛欄雲隨禮佛林月照緘書  
地好情難盡詩閒意有餘天花著衣否結習定全除

山笑心情俗甘爲百事磨尋當輕萬里咫尺負三峩  
書到增奇夢山空想浩歌郡齋愁撲筆一硯古塵多  
戲咏蠟梅

香蘭中分費翦裁嫩鶯羣簇小隨颺名高頗似因人  
著色冷偏宜放鶴來作可衝寒添臘景最難數與佐  
詩林冬心更比梅華足故肯東風獨自開

至日

遣與小詩新官閒暫乞身愛逢長至日不作遠遊人  
蜀酒黃如蠟山茶白勝銀銷寒除是醉扶病過前歲

二十八日雪

稍稍輕塵集差差冷絮飛迎寒朝簌簌流影夜燿燿  
雜雨微沾樹因風欲點衣記平淮蔡日乘此破重圍  
辛亥臘月初三日客成都題雪中狂飲圖懷  
稚存容堂

圖中萬古不離別圖外三人遙歎息一人歸江南一  
人居冀北我更迢迢在天末去年今日真難得新月  
又初三殘冬又逢丑不見去年人竟斷今年酒皇天  
不笑我不懽那有雪花大如手可憐好雪如舊交去  
年近我今年遙懸圖指點告妻子扶病僵立心搖搖  
叶嗟乎去年奇興乃如此今年離愁空滿紙大叫對



圖狂欲死

去年五月與亥曰兄別于京師廣寧門外三  
藐庵亥白乘驪車不能下余走送之且行且  
語相與灑淚而別予今年乞假還山已踰半  
載亥白猶滯嶺南也歲暮忝懷加奇

年時別君處回首五千里思及三藐庵離愁轉深矣  
後先國西門驅車異苦樂炎風昏羊城春雲平劒門  
與君聚京華客況殊可惱別後憶京華轉憶京華好  
我看故鄉月君酌他鄉酒各有四愁詩一箋常在手

十二月子一日以印州帳茶寄舍弟壽門

我作依人鳥君思避債臺緘書三歎息望遠一裴回  
歲暮錢刀急家貧子弟才自憐無長物空寄蜀茶來

咏齋中山茶

紅腴白膩一冬閒祇覺疎梅太冷顏氣味却疑參玉  
茗頭銜常愛領青山蠻奴縛箒朝逢雪蜀客題詩畫  
掩關老瓦盆中生意足可憐風葉滿林間

西征曲

班禪出走坐牀傾天母堂中戰馬鳴萬劫逃來誇活  
佛不應祇解說無生

餉道連天萬里長羽書三日過巴塘祇疑佛法輸兵

法戈馬如雲拔法王

戰格排空雪害寒馬頭落日近如盤他年畫上凌煙閣貌此軍容下筆難

擬窮瀚海問西番不數羣軒與大宛接得長繩三萬丈繫其王頸到中原

烏斯藏外說征蠻一海風沙十萬山常笑古人詩璋罕祗愁西出玉門關

大渡通蠻界益州籌邊重築古岑樓更聞猛將趨康衛神箭人人說海侯

銀黃旗下看飛文青海遙遙古路分傳異西人應破

瞻相公新領上將軍

天王生殺總無私，柔遠心如上帝慈。  
重驛儻聞寬大詔，投戈歸命未應遲。

相人臘月初三望月元韻

星外銀河澹不流，殘冬新月細于秋。  
離懷苦似張平子，錦段貂褕咏四愁。

歲臘卽事

才折山茶又護蘭，今年冬煖竟忘寒。  
有衣可典貧猶福，無藥能攻病轉安。  
遠道書多開作荅，故鄉穀貴忍加餐。  
懷人愛看深宵月，一點晶瑩小玉盤。

一城簫鼓漸紛紛，綵勝爭裁五色雲。  
新爆競如同進士，舊符揭作故將軍。  
客中饋歲窮無貨，臘尾裝詩祭欲焚。  
願學東川鄉有秩，明年春及課耕耘。

王子

王子正月二日出江橋門卽目

春人宜在野，況有百花潭。  
故國情難盡，奇詩性所耽。  
水明疑雨後，天闊愛城南。  
那得逢裴冕，諒茅近古枏。

人日雨中寄彭田橋

對雨逢人日，緘書寄草堂。  
春寒詩偶得，身懶病何妨。  
劍外交情淡，花前別夢長。  
莫因稽叔夜，擬我作山王。

西眉鎮馬上同壽門弟作

市橋南望儘蘼蕪一路青山小畫圖馬上桃花三十里澹紅香白漸模糊

十六夜萬家店

花冥月初上水香山驟寒果人中夜起倚樹百回看  
二月十九日慶元山拜掃先文端公祠墓二  
首

五世承餘澤瞻依信凜然家風貧尚守相業史重編  
已盛難爲繼無能只自憐科名慚後起一百廿年前  
文端公以康熙  
庚戌成進士

花靜祠堂肅豐碑照墓門遠謨微道力孤立見君  
恩有德留黃沁無財累子孫升香清不寐松月上前  
村

聽佃人彭翁談舊事賦二絕句誌之

醉擁鶉衣夜不眠空山回首憶當年黃雞白酒花豬  
肉擔送鄰人不取錢

法重方知獄吏尊殺人何苦似雞豚少年憶得諸耆  
舊常笑無緣識縣門

柏子鎮同壽門作

瀟灑春衣野岸風西南山斷夕陽紅棠花幾點闌倚

角檜木干林界水東欵段馬閑詩早得元脩菜老箸  
愁空鏡湖敢望膺殊錫願乞吾州地一弓

得亥白分水洋書

風雨蒼茫萬斛舟綠波如黛隱瓊州奇詩擲水龍應  
舞駭浪回山地欲浮骨肉那能無暫別海天翻恨不  
同遊知君醉遇黃雞粥定咏臙仙憶子由

和外舅林西厓先生捧多

前藏赴西寧  
途申地名 錢歲

元韻奉懷

遙從青海問皇華萬里橫飛六出花討賊定煩新露  
布開營親開古風沙祇愁兵氣吞邊月可有春聲入



塞笳自歎離心如落日天西流影照無涯

原作

殊方景物異中華冰是清泉雪是花遠近童山無  
寸木高低瀚海盡流沙寒雲衰草侵孤幕落日悲  
風起暮笳不道老年來絕域更教何處問天涯

靈泉寺僧樓

重登東嶺看斜暉新敞僧樓碧四圍邱壑無奇山自  
好人民猶是佛全非禪茶漸熟三泉活社雨初晴一  
燕飛世外高寒宜寫照小桃花底白雲歸

樟樹灣祠堂月夜同壽門弟作

山峭宜新月春田伏水聲疎籬明夜人老樹立利名  
鼓吹羣蛙樂甍甍細草平塵勞何日謝真悔不躬耕  
三月初十日紀夢

御風作飛仙桃實大如斗是身不長生此夢堪不朽

三月十一日李馭之

雲驤

招遊梵雲山開善

寺醉後有作刻寺東大竹上

風林酒一樽笑語清如許竹粉香濛濛吹作晴天雨  
朝衫汗酒痕隨意臥林壑借問同遊人何如謝康樂  
池南茅屋春日

瓶花低向小窗開日午遊蜂次第來幾度呼童來灑

埽十年無地不塵埃

一盞松膠坐夜分賞心常恨少奇文酒痕狼藉露衣袖自蒸沈香細火薰

北窗新闢好風閒遠樹濛濛暮靄間一笑城中三萬戶幾人離半有青山

五日東風十日晴家家上塚出山城清明已過春陰重準備關門聽雨聲

左相祠送松巖朴園八都

一年我送君一年君送我匆匆五六年蹤跡常相左京華庸蜀路五十與君來往如飛仙曉迎華山月暮

醉黃河船區區窮達殊偶然要令此身日與高天大  
地相周旋君不見鄉中老儒縮成蝟乾死案頭真可  
憐

南臺寺與田橋飲酒

閏四月四日

南臺寺神皆木偶君我百年誰不朽人間相遇誰可  
憐消遣聊憑一杯酒且作河朔飲莫管舍衛城梵貝  
聲雜譟呼聲驚禽滿地爭飛鳴臺高百尺浮雲讓酒  
人更出臺之上醉後狂歌欲問天一堂瘦佛都神王  
牆頭風竹十萬枝四圍天闊斜陽遲中年漸近急行  
樂君不見日景移時成古時

題南臺痛飲圖

竟忘君我是何人醉後都疑佛化身若使雲霞生肘腋未妨談笑出風塵狂來祇覺詩難稱癡絕還求畫有神寄語兒童燒不得墨淋漓處見天真

飲酒詩十篇和稚存

稚存自京師寄飲酒詩十篇和之

人生妙自然安肯求神仙欲買一壺酒可惜囊無錢負手出門去遠近隨其緣城外多水竹城中多管絃路逢相識人往往拍我肩迷離十萬戶所到常醉眠飄忽如浮雲從風過青天飲酒復不樂閉門只濃睡心息神融融樂于千日醉

世人亦夜眠或爲夢所累我夢無因緣棺尸不爲祟  
此福出天然獨享良可媿

目爲京朝官忽覺故鄉好翩然歸故鄉欲閒苦不老  
家人各有求神清頗懊惱大者覓稻粱小者索梨棗  
驅我如磨牛進退都草草昔恐還山遲今疑還山早  
閉目獨沈吟此意堪絕倒

自從歸東川時復懷京師故人喜無多一一夢見之  
舊居亦可念風雪柳山祠窗間過僧帽屋角露酒旗  
到門無雜賓醉語何神奇別來一年餘落落誰相知  
惟應彭秀才和我還山詩

田喬

一月歸敝廬一月遊成都一歲幾往還蹤跡時時殊  
八口寄兩川而我疲中途中途只飲酒山雜雲模糊  
天敞大屏風畫此飛仙圖

酒人別酒人一笑五千里酒人憶酒人所重在知己  
我家青天上君居帝城裏詩箋闊如雲來去殊不  
已詩來我欲狂詩去君難抵傳聞嵩華間詩過山神  
起何必歎離羣離羣亦可喜存

長公渡南海詩筆如東坡作書分水洋寄我山之阿  
書到已隔年山中風雨多閑書聽風雨不飲當奈何  
飲酒復不已旣醉還作歌作歌思斷續一字三吟哦

吟哦雜苦樂苦樂聲難和催租吏不來誰爲驅詩魔  
白亥

不泛百花潭不登我眉山忘情到山水更比閒人閒  
笑歌得真趣隨意遊塵寰詩卷飛海外朝衣醉田間  
身荷皇天慈雖冗誰能刪

佞佛佛何處渺如陳死人黃金空布地螺髻堆紅塵  
君看成都市酒人能赤貧嶙嶙支瘦骨生氣騰我岷  
不學蓋寬饒豈師劉伯倫浩歌對白日安知非天神  
四筵方呶呶獨醒殊不祥偶逢真酒人不飲趣亦長  
所以達士達頗類狂生狂我生三十年年年遊醉鄉



不知百年中當傾幾萬觴舉觴問太空夜闔天汪汪  
酒星正當頭熊熊垂奇光

成都夏日與田橋飲酒雜詩

竹籬新括晚風疎櫻筍廚邊四月初幕府偶依嚴僕  
射里人終愛馬相如不圖仙佛聊耽酒未定窮通莫  
著書看足百花潭上月胸中磊礪漸消除

南臺落日話西征萬里遙憐舍衛城餉道戎戎踰瀚  
海佛光隱隱露邊營飛而食肉應投筆醉不成歡欲  
請纓情得聞黎頻冷笑文人無用苦談兵

衣食皇皇劇可憐幾人有口不言錢且憑好夢遊天

外莫縱奇愁到酒邊詩爲無心如拾得身從多累轉  
陶然眼前誰是真才子欲改君名作半干

山橋再易其名因用

員餘處  
事望之

一榻殘書閑小齋兩餘生意滿庭槐有情那可無真  
氣不飲殊難得好懷但使樽前皆我輩何妨門外卽  
天涯年來詩卷人爭寫莫道清貧百事乖

田園荒盡亦忘貧舉酒常思賀季真如我竟堪呼怪  
物因君不敢薄今人事能容俗尤風雅筆已驚天況  
鬼神只恐平羌江水上峨眉山月是前身

得蒔塘宿遷縣書

隔歲書傳萬里愁因君支枕夢徐州  
依人自古非長策八世何時始倦遊  
同姓弟兄原骨肉他鄉歲月易春秋  
明年獨步櫻桃宴拜賜須爭最上頭

閏四月十九日雨後就田橋飲酒夜過張孝

廉園亭燈下得長句二首

雷收雨止夕陽新一笑相看見在身  
竹裏開門喧鳥雀牆頭過酒愛鄉鄰  
閒愁似夢尋無迹醉語如詩妙有神  
不作平常文字飲清狂才稱謫仙人

不舍殘樽席更移園林高下影迷離  
何須羨我蓬壺籍正好歌君婢僕詩  
黑夜登樓腰脚健黃童笑容性

情奇百年大局真荒忽明日誰能復舊基

夏日卽事

卷幔風雷過關門草木香絕交殘客少避債閨年長  
身空真堪病心雄未肯狂夜深星斗雜搔首看天狼  
成都紫薇花書屋雜詩

夫容花下小簾櫳春草秋苔地數弓做盡北窗新綠  
滿一籬瓜蔓作屏風

枯蛩濃睡一身閒筆墨都留夢影閒城市何曾無怪

物隔牆高樹夜如山

牆東阜焚一  
林高人雲漢

遮眼何須絕妙辭紫薇花樹好于詩臨風欲借黃荅

舟上言二  
筆畫出涼蟬暮雨時

葉底銀鱗細可憐  
養魚輕費買山錢  
如何閒却涪江水  
不就城東理釣船

釘壁圖書盡故人  
妙詩奇畫各通神  
他年雲散傳千古  
處處軒窗爲斬新

一家風俗古鄉村  
童僕妻孥笑語溫  
滅燭深宵同說鬼  
滿簾明月不關門

五月十四日風雨

淫雨黢無情  
輕雷怒不鳴  
白縣長夏冷  
赤日上方晴  
池滿魚爭出  
庭淤草暗生  
西南風自急  
五月作秋聲

燠疥戲作

煙縈毛骨氣氤氲幾與佺巫一例焚病用火攻真下  
策身占豹變有圖文山中奇樂思黃蘗枕上微風笑  
白雲明日莫尋韓吏部恐教三沐更三薰

田橋新納雷姬屬予作詩賦此奉贈

世人忽旁妻我意殊不然譬彼下太夫豈必無高賢  
奇女隨清娛妙才李絡秀所以古神堯明明揚側陋  
矧君崇孝義其意不在浮瑣瑣牀第事落落英雄心  
有妾母無憂得子妻不死看君經世才變化從此始

成都秋日贈周補之季才伯仲

時從廣州  
歸應鄒試

離聚總萬里交親俄九年那期今夜雨同此故鄉天  
話舊昏如夢聽詩妙可傳酣眠醒便去情至忘周旋  
重陽日學使吳少甫梅道索詩作二絕句  
隆隆車騎訪琴臺便是通人總愛才天遣畱詩傳劒  
外旌旗影裏看山來

冷淡重陽酒一杯開門愁臥亂書堆索詩人比催租  
急笑指黃花冒雨來

還家詩

壬子九月二十五日

娶妻五六年謀歸不可必生兒忽已死生女已過郭  
今冬得暫歸婦孺謹若狂草草覓輿馬一夕齊歸裝

一夕齊歸裝五日到家裏入門見鄰竹鄰竹亦可喜  
父母聞婦來快若兒新婚慰婦且自慰明年當抱孫  
是時知悅孺阿嫂聞姪來紅巾裏梨棗攜姪看宛若  
宛若亦姣好阿弟聞嫂來攜婦前致詞是能讀女誠  
嫂當爲之師兄女聞姪來牙牙若相問老生談中庸  
不知何議論婢僕窺戶外雞狗騰牆頭填門無數客  
賀我如封侯賀我如封侯我醉忽狂叫我有南海兄  
兄歸乃妙妙明日一書至兄已過渝州明日一與至  
神速如置郵笙歌盈堂前兄歸家始全全家忽重聚  
昔別知何年



成都留別吳少甫學使

一官高妙抵我岷  
祇恐靈巖是化身  
但使秀才都識  
字莫教佳句太驚人  
交緣筆墨情猶淺  
聽到箴規意始真  
珍重文翁留此席  
三川風教要還淳

船山詩草卷八

遂寧

張問陶

仲治

扁舟集

壬子

壬子十一月二十八日舟發成都紀事

斗大雙船下水遲迴瀾  
塔影漸參差綠波錦石江  
三尺薄霧微風竹萬枝  
好夢一燈夫婦枕奇書幾卷弟  
兄詩勞人八世如中酒臥看青天任所之

題王椒畦畫亥白兄過海圖

南海之大不如天作詩何至誇登仙我輩之奇不在

貌作圖何須求逼肖讀君渡海詩心中澹澹忘天池  
看君過海圖人多不必人人殊王郎下筆真神解書  
出君詩滿滄海妙手憑空偶得之一時遊戲俱千載  
君不見估客縮頭漂大洋死抱番錢安敢狂又不見  
澳門鬼子作洋畫畫人如鬼人爭挂番錢一圖畫一  
紙差足關門媚妻子人生到此真可憐只恐天吳一  
笑人羞死我有一尊酒澆入萬里風請將此詩此圖  
吹入南海中不許俗手污一字不許俗眼開雙瞳萬  
年長挂蛟龍宮使彼海若愕然驚拜腰如弓知我人  
世未始無英雄

古佛堰

石亂篙聲碎灘平竹影留小山全帖地尺水亦行舟  
疎柳通官堰層檐凸寺樓故園今漸遠倚枕一回頭  
出江口

推橈出江口飛雨集波面高亭迎我來知是彭山縣  
小舟穩如屋倚枕足流玩有婦勝清娛名山好遊徧  
牀頭放歌兒粉黛雜筆硯酒至卿勸酬詩成卿點竄  
人生貴自然卽景皆可戀悠悠身後名何須理學傳  
吾兄過南海今復來眉州前身果坡老我必蘇子由  
蒼蒼墓頤山出沒迎雙舟萬事若流水一過不肯留

莫愛古人古祇益今人愁賢者死無算我輩真休休  
與君急載酒同作凌雲遊使子兄弟情一醉綿千秋

眉州

長公實忠孝筆墨乃遊戲宋時多拘儒惟公有生氣  
鄉人自昔誇漢京我今一笑皆平平子雲相如文上  
耳安敢與公爭大名因公愛眉州便覺眉州好公之  
靈光滿天地眉州也是泥鴻爪君不見城西紗縠行  
舊居改作新祠堂行人題壁多于草執此求公公轉  
小

青神

青神縣北水沄沄睡起推篷看白雪笑爲山妻寫眉  
黛簪花同拜魏城君

青神舟中不得見我眉山與亥白兄飲酒排  
悶

青神縣前江水灣白雲遮斷峨眉山平生罵佛得奇  
報僮僕驚疑無好顏我到人間無不可冒隨老媪談  
因果酒壘乍破一船香後祭江神先祭我醉後聊傾  
一杯酒爲問普賢猶在否我今未死普賢死眼底請  
看誰不朽世人結隊朝峨眉一步一拜頭頰頰峨眉  
見我獨逃避畢竟我奇山未奇丹稜彭君古豪傑對

平常笑峨眉劣曾向華嚴頂上來尺山寸水皆能說  
始知古人多妄語偶然托興非心許君不見宋玉高  
唐賦最工巫山可有行雲女

長峽

一名三峽在青神嘉定之間太白詩夜發青溪向三峽卽此

峽轉雙橈急無名處處灘浪花飛作雨風草媚于蘭  
樹老盤山瘦江清抱日寒客行忘歲暮如展畫圖看  
懶俊漁船小斜陽下網遲沙寒人似鷺岸曲水如池  
紅樹將窮處青山乍見時憑誰磨絕壁鑄我數聯詩

扁舟

六年未領扁舟趣一水油油到眼前正好殘冬初四

五峨眉山月細如絃

壬子十二月六日與亥白兄攜酒遊凌雲山  
脚踏凌雲峯手摩大佛頂大佛縮項向西笑公等觀  
世眞平等是時水涵江水閒一山濃翠浮波間古洞  
轟轟荅人語懸崖奇木根如環傾耳附石壁風浪聲  
潺潺大笑如游海門國眼前只少松寥山興到親提  
一壺酒兄酬弟勸環山走酒肉淋漓過戒壇寺僧捫  
舌如狗饑開山鑿險誰之功後有韋皋前海通一心  
愛人如愛佛揮金剜眼皆英雄我輩來遊直遊戲姓  
名何必畱天地碑版零星碎欲無千年生死眞容易



却對山泉憐浩劫，泉清恐有蛟龍蟄。人外尋詩呼白雲，石根溫酒攢紅葉。荒祠四面青山青，大蘇獨坐愁零丁。我拉遺像欲飛去，旁人指點疑仙靈。不封萬戶侯，不識韓荊州。停舟聊痛飲，醉中并忘凌雲遊。隔江遙問漢嘉守，此遊頗勝東坡否。

嘉定舟中

凌雲西岸古嘉州，江水潺湲抱郭流。綠影一堆漂不去，推船三面看烏尤。

平羌江水綠迢迢，夢冷峨眉雪未消。愛看漢嘉山萬疊，一山奇處一停橈。

捷爲道中

父魚

名灘

東下舟如飛  
斑斑風竹迎朝暉  
人煙高下露城堞  
流水一彎山四圍  
山根蟠石皴成繭  
璫瓏百萬古篙眼  
孝女崑前浪作花  
船頭漩急江千轉  
怪鳥一呼驚午夢  
過窗立石如翁仲  
劃眼軒然起大波  
萬船揉簸灘聲重  
烏蒙西望迴愁子  
蠡雨蠻煙萬里餘  
從古文人無事業  
通夷敢笑馬相如

臘八日過敘州二首

風掠晴雲澹不收  
夕陽吹影上扁舟  
帖山樓殿平如畫  
插水林巒碎欲流  
爆竹聲繁逢臘日  
荔枝香冷過

舟上言正名  
戎州船窗自擊泥頭酒味諫軒南爲少留  
碧水丹山好畫圖一江金翠影模糊層峯細碎通烏  
撒古塔高寒表慶符蠻女蹋歌愁欲絕巴舩維纜暮  
相呼題詩真作天涯客何必淹畱笑賈胡

南廣

黑水入江處

大石參差出雙江日夜流丹山圍夔道黑水界梁州  
小市三冬冷荒雲萬里愁郡城回首隔風雨暗西樓  
江安舟中遣懷

筆墨供遊戲山川寫性情萬錢儲酒價一夢笑詩名  
官冷如書賈天高想帝京幽燕何日到雙槳歎浮

雨中泊納溪縣

一山秀削蒼龍角，知是清溪第幾峯。  
髣髴過江尋采石，燃犀亭下水溶溶。

雲外殘山碎可憐，江陽東下雨如煙。  
一詩未了千峯過，竟欲重尋上水船。

曉泊瀘州

策策魚鱗水衙衙，豸角山笑談雲霧裏。  
城郭畫圖間，初日明孤艇。  
奇峯秀百蠻，禁愁憑蜀酒。  
扶醉一開顏。

瀘州

城下人家水上城酒樓紅處一江明  
銜杯却愛瀘州好十指寒香給客橙

旃檀風過一船香處處樓臺架石梁  
小李將軍金碧畫零星摹出古江陽

灘平山遠人瀟灑酒綠燈紅水蔚藍  
只少風帆三五疊更餘何處讓江南

重慶以上上下下  
船皆不立帆檣

### 少岷山

蜀山競推挽少岷獨無黨礪礪有正骨  
奕奕見英爽孤高終自立名重非標榜  
風雨出半壁摩空白雲響蒼茫閱人代  
過眼誰真賞岸如古丈夫捫腹對天壤

君不見羣峯環列貌可憐聳背昂頭不能倣

合江縣灘上作詩投西涼王

神爲秦時呂光

鮑部水東多石梁舟人報賽情皇皇下官旣醉不持  
筇一杯笑勸西涼王西涼王鬼神之事原渺茫地險  
那得夸身強腐鼠嚇人極無味索錢索肉尤荒唐我  
等酒人一生死便投水火殊平當南渡洞庭北河曲  
東窺滄海西瞿塘腰間大劒亮如雪我舟一過蛟龍  
藏爾神雖暴毋猖狂

十一夜泊松溉南軒岸見月同亥白作

十日苦陰雨推篷月乍來眼明千嶂出心遠一江開

詩筆潛虬避朝衫過客猜他年說松漑舉酒定褰回

石門驛

殘雲漏出斜陽影飛上僧樓第七層松漑山濃人入  
畫石門風亂水生稜十年作賦嫌烏有千里浮家咸  
最能恨少堆船三萬卷一冬閒煞讀書燈

月夜泊江津與亥白兄夜話慨然有作

繞縣水如几停橈月在船暮山明寺火冬郭聚人煙  
宦味三年熟鄉心五夜懸扁舟聊載酒風利且隨緣

貓兒峽

石爛文章出橫空半壁蹲山容曹禹鑿峽意仿夔門

洞雜精靈守林荒虎豹尊人煙何斷續一犬吠雲相  
小艇衝波出殘僧橫索錢地貧天亦弃山穢佛堪憐  
石氣灰釘積泉痕屋霤縣祗疑幽谷底瓜髮結枯禪

龜亭子

不作奇峯也自殊四圍風浪影模糊依稀十載曾遊  
處水滿潯陽看小姑

塗山

巢縣爭塗山會稽爭禹穴夏王不再生此疑誰敢決  
南指吳越西指蜀兩地相爭人欲哭聖人之聖不在  
此神禹聞之當捧腹吁嗟乎九州疏鑿皆禹功高山



大川無不通胡爲乎能平水土驅蛇龍不能拓彼斤  
斤考訂之心胸

重慶

臘鼓皤皤歲又殘巴渝東望儘波瀾風林坐愛相思  
寺雲水遙憐不語灘一字帆檣掛岸直滿城鎧火映  
江寒西行便是還鄉路慚愧輕彈貢禹冠

重慶換船詩

生涯渺無定泛宅亦移居連袖遮新婦推窗過異書  
官閒家具簡詩急酒杯疎苦被長年笑罷塘賈不如  
臘月十七日下巴峽

巴山東抱水濚洞消遣殘冬酒一杯誰信風濤行不  
得開頭先指鷓鴣堆

由百丈梁下金雞三碛

大石滿一江舟與水爭捷闕窗岸倒飛十里一呼吸  
了了千峯去不同空花墮眼詩情急神哉江中百丈  
梁黝如積鐵攢鋒鏖撐山拓水江爲直千龍銜尾何  
其長舵轉山迴風浪蹙金雞三碛昂然禿不飛不躍  
可笑人波底微聞聲粥粥長年三老真神速何許鼃  
鼃食人肉操舟破險如攻毒使我扁舟穩于屋

養蠶堆

養蠶堆可憐顏色如死灰江心扼水令水怒能挽奔  
流使回住萬年長作江之蠹君不見西陵城東大波  
起長江一瀉五千里江出夔巫江亦喜

涪州感舊

拍拍飛橈十四枝涪陵水落棧舟遲傷心七載崇興  
寺風景偏能似舊時

小塚埋香痛阿梅離鸞雛鳳總成灰眼前新婦新兒  
女已是人生第二回

留涪州兩日作詩謝親舊

兩日停舟訪故交一鎰醉語夜啾啾酒噴客面羣兒

笑詩擲船頭十吏抄但覺舊人多似鮑轉愁孤艇窄  
如巢少年莫羨朝衣闊遊子吟成感孟郊

雨後過鄧都

巴渝以東不風雪披衣脫帽隆冬熱昨夜江頭微雨  
來嫩寒如過清朋節山田高下差差綠峽鳥一聲春  
意足笑看鄧都十萬人不巾不襪謹如鹿君不見西  
嶽萬里通諸番馬僵人凍冰連山平番士卒方東還

鄧都山

死人大笑生人哭浪指鄧都作地獄鑿山起殿山爲  
縮殿中沈沈暗如櫝人來驚拜僧滅燭聞羅佈人悍

雙目鬼卒猙獰頭有角長柳大杓堆成屋鋸聲韓韓  
火聲爆刃鋸鼎錢怒烹剝椎揚磨轉碓可築毒蛇滿  
河方食肉雪山晶瑩差不俗蹋凌一滑冰穿腹男躍  
女跪嬰兒伏照眼骷髏千萬束九州茫茫人鬼畜一  
山收之無不足萬里遐哉南與朔極天沉有要荒服  
泊平一死全入蜀蜀人便之來亦速東走瞿塘北喪  
谷衆鬼爭來聲蕭蕭近者牽扶遠者逐呼號叫跳想  
歸宿千頭萬頭猛于鋸蜀哉蜀哉鬼之鵠殿前古井  
誰敢黷紙錢下飛如轉轂通神使鬼罪可贖鬼無心  
所神有欲大杖年年易新竹聚人無算供敲朴山僧

歸寺狠如蝮王不管之訝其禿吁嗟乎九出功罪無  
榮辱土偶妄知作威福君不見方平洞目仙雲緣

花林驛

間水尋山汗漫遊絕無人處亦勾畱可憐冷落花林  
驛只有斜陽滿成樓

忠州二絕

西澗東坡尙儼然看花曾及暮春前屏風山外今宵  
月照我重來又七年

尙書墓下青山好太傅祠前碧玉流長慶貞元人去  
後一官誰稱古忠州

船山詩草

卷八

士

石寶砦

子子石寶砦屹立江水東  
天作百丈臺秀削疑人王  
四山卑卑盡跼伏頑怪獨撐斷  
鼉足誰拔孤根出地  
中非峯非嶺巋然秀共工頭觸天  
柱折遙看絕頂平  
如截雲表微聞梵貝聲  
山僧矯健真飛鶻桓桓石砦  
秦將軍大殺流賊如天神  
百年父老指山哭尙憶桃  
花馬上人

白水谿

大石不受谿谿水出其背  
散如萬斛珠破攢一時潰  
琤琮響碎玉襪襪聚飛鷺  
撲簌千點雪溟濛十里霧

君不見年年五月風雷吼急雨騰山白龍走

由湖灘至岷眉岩

劈痕滿山根水力猛于斧灘頭起盤渦峯勢盡飛無  
大壁如連城小砦若環堵層層寶樓閣黯黯破廊廡  
一石宛然塔頽巖聚成隄低昂人獸雜缺落丹青古  
過眼倏萬變職方不能數頗聞開國初譚氏多如虎  
魯池岑洞間千里鳴金鼓悠悠百年來子孫耻言祖  
一笑向化侯爾曹直腐鼠

萬縣小泊是日立春

東巖鐘磬寂春色有無間爽朗三層閣玲瓏一縣山



江迴巴峽斷花放芋溪閒歲晚鄉愁劇船窗午夢還

巴陽峽

萬石束江江愈狹一線寒流細千間撇漩捎歎輕欬  
飛扁舟欬過巴陽峽擬金伐鼓上水船大帆如腹風  
幡然百夫牽挽三老急難進易退危可憐小人得意  
每忘死君不見上水船如古君子

雨中泊雲陽縣

峽雨飛無定山雲重不移眼中千樹失天外一峯奇  
人語迷官渡靈風靜古祠子規方勸客莫厭放舟遲  
冬暖雨聲好衾裳生嫩寒酒香新麴米詩意古雲安

繳麥春前秀江樓霧裏看石城聊痛飲東笑虎須灘  
雲陽縣漢桓侯廟下作

擊楫曾經不語灘又瞻祠宇到雲安愁來縮酒如公  
易歸去看花白古難老樹盤風千礮響子規啼雨一  
江寒青山何處英雄墓愁聽殘鐘獨倚欄

瞿塘峽

峽雨濛濛竟日閒扁舟真落畫圖間便將萬管玲瓏  
筆難寫瞿塘兩岸山

白帝城

直爲高光死英雄獨使君山川猶鴻淚城郭自風雲

三  
雉堞臨江出鵲聲隔岸聞巴人真梗絕容易話三分

白鹽赤甲

日鹽雲外落赤甲雨中蟠峽坼天光細山童石氣完  
關河夔府秀疏鑿禹功難孤艇愁風雪飄飄逼歲寒  
風箱峽絕壁上穴居人家

映人輕似纓度索上青霄帖壁鴈巢陡穿空風穴遙  
衣冠秦木客面目古山魃老死風箱峽生涯太寂寥  
黑石

石脈藏精鐵江聲走怒雷乍驚飛鳥避真湧斷鼇束  
天冶憑誰鑄潛虬祇自猜世人望屢罵愁絕寶刀林

大溪口風雪

殘年容易感他鄉縱不聞猿已斷腸回首故園山  
疊滿船風雪下瞿唐

峽夜呈玄白

南海歸舟萬里情東川回棹白鷗輕如何一夜西陵  
峽同聽寒江又遠行

西陵峽底三更雪共酌深杯共詠詩髣髴頻年遊劍  
外武連山縣對牀時

祇覺人間道路長才遊劍閣又瞿唐三年轉愛征途  
好難得相逢在故鄉

詩筆何年徧九州牛腰大卷挂船頭天生君我爲兄弟可許峩眉獨久畱

峽中謝人送橘柚

涪州朱橘夔州柚乍解筠籠香一船口腹累人慙過客山川迎我笑前緣文章頗擬爭千古飲食何須費萬錢暫族冰盤開罨酒銜杯清絕故鄉天

大溪口守風

伏枕千峯底江聲午夜寒雪花魚腹壘風力虎須灘峽逼天真小途長歲易殘妻孥應笑我日日著詩難村谷通人迹山田界雪痕風聲夔峽動龍氣楚江昏

夜黑舟逾重爐紅酒自溫竟思尋杜老餞歲古東屯  
雲雪英英白奇峯高刺天四圍山斗絕五色樹鶯然  
石泐泉香細料藏竹影圓恨無荆浩筆畫此峽中船  
細看瞿唐峽船窗雙眼明人心怖風色天意緩詩情  
雨止孤雲落山繁一水爭五更歸夢急青壁杜鵑聲

舟中遙望巫山

倚枕灘聲急開頭雨氣新官閒畏津吏食儉愧厨人  
峽斷前山坼江流古縣春迎舟峯一簇在遠益丰神  
直抵瞿唐秀巫山十二峯靈祠春夢曉古峽雨痕濃  
石氣圍孤艇江聲走毒龍陽雲臺自好林壑暮重重

峽中寄王椒畦王子卿

巴東三峽絕奇麗一石一波天下無  
安得王郎才子筆濃磨五色畫夔巫

荆關董巨皆非是細秀清雄只費猜  
小李將軍吳道子亂攙粉本貌將來

壬子除夕與亥白兄神女廟祭詩作

黑夜攜詩入破廟一衲驚呼千鬼笑  
秉燭方知神女祠風裳水佩殊清妙  
神女佐禹成大功劫與同律庚辰同  
不知宋玉是何物敢造夢嚙汗夷宮  
楚人妄譌蜀人闢二蘇兄弟真英雄  
我輩能知神必爲神所福

況有奇詩神可讀祭詩敬借神前燭神女奇詩共一  
燈靈光萬丈騰山谷兄詩一百九弟詩一百五開卷  
古墨香獻神神不吐一年心血嘔可憐疏鑿還如禹  
功苦丹書玉笈爭千古神目盼兮喜欲舞已酉祭詩  
張果洞仙人乍來白雲重庚戌祭詩椒山祠忠魂颯  
颯撚陰髭天遣今年到巫峽兩枝筆健千山雜不抄  
古人書我自用法狂吟忘朝飢冥想驚夢魘只鏤  
肝腸不報功人間何必生鶩鴨白魚朱橘次第陳一  
杯慰勞吾精神蜀酒禁愁利胸膈來年口腹重清新  
今夕已除夕行樂當及辰眼前亭亭立監史雲華上



宮之夫人我醉猖狂神不怒人能痛飲詩方真弟勸  
兄酬爵無算奇峯十萬爭來看明日開船去不辭好  
風送出巫山縣

舟中守歲

守歲巫山縣懸鐙照不眠逆風畱過客流水送殘年  
酒脯忙終日妻孥隘一船東川杳何處回首萬峯前  
漸苦中年近真愁客路長酒悲神黯淡詩急夢張皇  
風雪已今夕山川猶故鄉莫辭巫峽酒開纔卽荆襄  
魚得厨人喜深杯酒不辭客心常草草春色故遲遲  
語靜鄰船怪詩靈上帝知殘年荒峽底隄跡潤舟師

南雪不到地 山頭終夜明  
悚然詩酒興 清絕弟兄情  
小艇樂春帖 千峯苔爆聲  
頭顱忽三十 役役歎浮生

癸丑

癸丑元日入巫峽

一年第一日 攜酒看巫山  
晴雪照三峽 春風吹百蠻  
倚天雙壁破 迎歲萬峯閒  
冷絕高唐觀 朝雲自往還  
巫峽同亥白兄作

雲點巫山洞 壑重參天亂  
插碧芙蓉 可憐十二奇峰  
外更有零星百萬峰

船頭風色近 南蠻元日看  
山想故山 安得倒流三峽

水扁舟一夜便西還

瞿唐巫峽

瞿唐蟠大壁巫峽削千峰處處奇相敵山山妙不重  
詩隨林壑變天開畫圖濃何日真遊遍穿雲策短筇

峽中作

二峽鬪一心一心爭萬古一處著一詩詩如記里鼓  
誦聲琅琅出金石山頭猿鳥盡飛舞醉中不成夢中  
補畫忘風浪夜忘虎天生此手捉奇筆那能埋頭日  
把青錢數軀壳未脫身先腐君不見瞿唐賈

由三分水至楠木園出巫峽

急峽層層蔽石門奇紋如繡織山根摩天插水真愁  
絕斧劈痕兼屋漏痕

船窗低亞小欄干竟日青山畫裏看奇絕一叢瓔珞  
水更無人虛自珊珊

石走山飛氣不馴千峰忽作亂麻皴變他三峽成圖  
畫萬古終無下筆人

倚天小立玉芙蓉秀絕巫山第一重我欲細書神女  
賦薰香獨贈美人峰

江聲蟠曲亂山開天半濛濛萬古苔千丈奇峯立如  
壁蛟龍窟裏一帆來

鐵棺峽

峽中鐵棺不可測懸厓直下五千尺棺中合有陳死  
人心肺寒僵化成石女手卷然滑且膩長風萬里吹  
尸氣時揀浮雲作墓田猿鳴鵲笑皆遊戲任人指點  
無人學那愁高岸爲深谷世上枯骸盡九泉獨眠天  
半真奇福過客無須識姓名彭殤過眼皆平平空中  
大笑桓司馬石椁三年鑿不成

南木園風夕

才拍輕襖又橫舟逆風知我愛公留故鄉此別歸何  
日流水無情去不休五夜夢魂天地闊一盞詩酒第

兄愁江猿峽鳥真憐汝祇恐重來易白頭

萬流驛

梁州從此接荊州一路看山過萬流只有長江無別  
恨大波東去不回頭

巴東

江頭小縣如村落雲水荒涼古戍閒莫指前峯問三  
老巴山已是楚人山

石門關

小屋斜插水厓斷石門空時有樵人出一肩山葉紅

上真觀

縹碧斷厓小深紅古廟寒春風吹塔影一簇好林樾

歸州

楚國波濤險孖舟怖石林命危人鮮孽魂斷女嬰碇  
山骨垂龍脊灘聲蕩客心沙鷗飛不定何處小升沈  
歸州同亥白兄作

秭歸城下秭歸啼江出夔巫水漸低莫上柁樓高處  
望鄉山都在夕陽西

兵書峽

天上陰符定不同山川終古傲英雄奇書未許人間  
讀我駕雲梯欲仰攻

下新灘

大船側枕推官漕小船直下龍門高十丈懸流萬堆

雪驚天如看廣陵濤

人蜀記云南日官漕北口龍門

歸州長年絕神俊日日放灘如弄潮雪浪如雷倏崩  
散青天乍落一聲

空船峽

山頭晴雪土礧鹽金翠迷離好畫屏兩岸峰巒爭秀  
拔隨江九折看空船

出空船峽野泊

九畹溪南路村村露酒旗衆山低可笑一水澹無奇



出險停舟早思鄉得句遲遠峰如送客天半立多時

黃牛峽

青山撲撲水稜稜出險心如退院僧千里驚魂招未得鷓鴣聲裏賽黃陵

窺人妖絕蝦蟆碚細瀾清泉下峽遲一部玲瓏新鼓吹康王谷底聽逾時

好奇須過古巴東千山貌不同看到黃牛三峽盡可憐邱壑滿胸中

出峽泊宜昌府

萬山回首太峻峭此日餘生問最能送盡奇峰雙眼

豁江天空闊看彝陵

噉噉寒猿忍淚聽瞿唐劔閣萬峰青  
三年看遍奇山水送險亭兼至喜亭

峽州人語暮喧譁鎧火迷離十萬家  
只愛紅關雙艫予一枝青竹酒旗斜

渺渺閒愁感逝波水窗情話故人多  
七年不作荊州客忍對寒江聽楚歌

宜都道中

出峽萬籟息微聞柔艣聲山川得疎放  
耳目竟空明風定江脈弱天長楚塞平  
東松州自好春草秀孤城

枝江舟中與亥白飲酒作

峽盡船窗闊  
天空落日圓  
遠山真澹絕  
春水自茫然  
舉酒邀三老  
攻詩累百年  
文章悲庾信  
咄點亦流傳  
枝江野泊

風帆收頁頁  
春樹遠疏疏  
一綫枝江月  
千年庾信居  
浪花推岸急  
人語泊船初  
笑問當鱸女  
何如薛校書  
船山六峰詩

乾隆癸丑扁舟出峽  
正月六日從枝江縣雋  
厓于水中得奇石六枚  
巖嶺峰壁泉池洞壑  
他及龍虎獅象種種  
肖形之物無所不有  
供

之船窗聳然動目名曰船山六峯第一峯曰  
衆妙第二峯曰池第三峯曰朶雲第四峯曰  
臯觀第五峯曰師子第六峯曰石門各係一  
詩誌奇賞也位置六峯有次擢衆妙爲第一  
尙右

白雲帖玉臺黃石守丹曰巖破天池開劃若人哆口  
萬竅光玲瓏一山光蚴蟉至哉衆妙峯靈奇無不有  
右衆妙峯

懸厓俯大池池圓厓壁淨亭亭好女兒窺此芙蓉鏡  
一峯秀無敵衆峯環婢勝髣髴夢巫山朝雲飛不定

右池峯

雷雨過青天朶雲落江底妙手偶得之人喜雲亦喜  
養以一寸波安以三尺几時擬坐峯坊或可因風起  
右朶雲峯

乖龍忽對面臯觀聲隆隆墨雲起衆上白雨鳴空中  
我欲踞其頂飛翔西海東同嗅旃檀香不須愁逆風  
右臯觀峯

闐然師子峯昂首欲人立撐地握老拳猛氣不可戢  
心知是神物投杖卽長揖畱之鎖六峯六峯豺虎辟  
右獅子峯

石門不可鑿洞然若天鑄遙窺門外山巉巖聚無數  
閣道何縈紆欹危令人怖他年思劒關此是還鄉政  
右石門峯

松滋野泊

春岸一村遠江船百種奇霞光金錯落波影玉參差  
攜婦邀新月薰香著小詩故園如憶我人日在松茲  
江岸守風作

隨江直東下一日可千里那知東南風日日迎舟起  
一月守西川十日守南紀移船爭尺寸舉酒看行理  
三老眠舵側婢僕跳蓬底我獨耐陰澀不怒亦不喜

終勝水馬兒步步逆流水

自題扁舟集

征西軍馬盡東還旌旆如龍走  
劔關冑與英雄爭道路且營舟  
渚看江山深杯入手孤篷冷  
流水無心一棹閒贏得新詩滿  
三峽巴人傳唱白雲間

荊州道中

荆南渾不似巴西片風波浸短隄  
古戍鶯飛花氣冷春江人遠鴈聲低  
長天帖水青無際細草含煙綠未齊  
愁絕湘城東去路買車先聽白銅鞮

江上卽事

吳舫楚舫慣乘風十幅寒蒲葉葉同却笑巴船怯江  
水布帆斜捲夕陽中

江豚拜浪水風腥虎渡遙遙接洞庭落日魚龍爭出  
沒沿流楚火太零星

大險重重控百蠻楚人波浪蜀人山太平一笑題詩  
去肯放船頭筆墨閒

水長天遠不分明隱隱千帆挂晚晴欲借夔巫山一  
角穩安波面聽江聲

### 泊荊州沙市

萬壑岷峩酒一樽扁舟東下水雲昏荆南棧棹翻惆



恨未送長江入海門

沙市舟中寄荊州崔竹樓公子

名景仰

臥棗山房上樹時  
醉中狂態故人知  
祇愁燕市分襟早  
莫歎荊州會面遲  
愛我須傾千日酒  
嚇君新積一囊詩  
倘能騎馬來相訪  
好認江頭篆字旗

寄貴州學使洪稚存同年

奇人有奇過一往無不好  
君作大宗師得此何太早  
黔南雖天末一州已非小  
僉僉弟子員鶯然見文藻  
推君純孝心教之拙毋巧  
秀才至性足朝廷以爲寶  
考訂實小技何足立  
師道君今宏遠謨詩書無擾

擾

初九日沙市舟中作

岸頭征馬暮蕭蕭  
篷底詩情漸寂寥  
笑勸長江一杯酒  
水窗清福只今宵

贈崔荊州

名龍見字漫亭

才作凌雲載酒遊  
又從南楚識荊州  
杯中且送長江月  
詩外誰爭萬戶侯  
落落交情知幾世  
茫茫春水歎孤舟  
人間離聚真無定  
笑指征車爲少畱

由沙市至荊州大風堤上作

堤曲江聲轉千波撼  
一舟古人空戰伐  
我輩且勾留

平野耕龍骨昏鷗啄土牛如聞諸父老猶痛戊申秋  
十萬龍神廟靈風暮颯然蛟魚爭地勢波浪雜人煙  
城郭連雲壯乾坤落日懸驛樓容暫借舉酒酌江船

船山詩草卷八